

**41avla radunonza generala dil Selvaclub Sagogn  
vendergis, 3-10-2014, uustria Sil Plaz**

**Perstgisas:** Sepi Cavelti, Fränzi Bruhin, Hans Niederberger, Andri e Curdin Bundi

**Presents:** 20 persunas (tenor gliesta)

- Tractandas:**
1. Beinvegni
  2. Elecziun dumbravuschs
  3. Protocol radunonza generala 2013
  4. Rapports annuals a) dil president  
b) dil cau Giuventetgna + Sport (Roman Caderas)
  5. Rendaquen
  6. Rapport dils revisurs ed approbaziun dil quen
  7. Preventiv 2014/2015
  8. Contribuziun annuala
  9. Program da lavur 2014/15
  10. Orientaziuns e varia

**1. Beinvegni**

Il president ad interim, Lucien Stern, fa in cordial beinvegni a tuts presents. El fa gest sez attents sil sbagli el FUS. Tier las tractandas maunca la novavla.

**2. Elecziun dumbravuschs**

Janic Camathias vegn elegius sco dumbravuschs.

**3. Protocol radunonza generala 2013**

Il protocol dalla davosa radunonza generala han ins saviu leger sin nossa pagina dil Selvaclub ed el ei staus a disposiziun da prender envesta mes'ura avon la radunonza. El vegn buca pli prelegius. Il protocol vegn approbaus unanimamein.

**4. Rapport annual dil president**

Il rapport dil president ei fetg cuorts. Ei ha dau negina neiv ed aschia era negina loipa e neginas sendas da viandar d'unviern. La Tegia Nordica ei stada aviarta sur Nadal.

Macort'aura e miserablas condiziuns dad ir a spass sil Plaun han buca carmalau neutier ils hosps. Perquei havein nus serrau il menaschi suenter Daniev. Il facit ei, bia lavur per nuot. Fetg legreivel ei che aunc adina sur 20 affons fan part da nossa JO. Era allas cuorsas ein adina biars affons separticipai. Aschia ei il Selvaclub adina representaus fetg bein.

Quei ei mo pusseivel perquei che nus havein schi grondius trenaders. Els san motivar ils affons e sesprovan da porscher trenaments pretensius e tuttina era leghers.

In grond engraziament a tut ils trenaders per lur grondiusa lavur! Era in cordial engraziel fetg als geniturs per il grond sustegn, al fidau preparader dils skis Sepi, al coach da G+S Enrico, a tut ils gidonters ed era als consuprastonts.

**Rapport dil cau G + S, Roman Caderas**

Entschiet ha la nova sesiun cun ina tura da festa ils 17 d' uost 2013. Naven dils 22 d' uost han ils

affons era trenau en halla. Gl'emprem trenament sin neiv ha giu liug ils 23-11 si Sedrun.

En tut ein ils affons separticipai ad 11 cuorsas repartidas egl entir cantun. Roman ei fetg cuntents culla participaziun dils affons (en tut 23 affons). Ei seigi donn che biars auters clubs

el contuorn hagian mo paucs affons. Aschia han nos affons buca schi bia concorrenza da semesirar.

Demai ch'ei haveva negina neiv cheu a Sagogn han ins stuiu encurir in'alternativa. Cun Degen, che ha giu ina super loipa, ei quei gartegiau. Il «highlight» dalla sesiun eran segir ils gis da G+S ella Val Müstair. Cul Domino-Day ils 29-3-14 cheu a Sagogn, ei la sesiun 2013/14 ida a fin.

## 5. Rendaquen

Nies cassier, René Wellinger, declara il quen annual 2013/14. La facultad dil Selvaclub munta ils 25-9-2014 a frs. 45'338.10.

## 6. Rapport dils revisurs

Ils revisurs Enrico Arpagaus e Hans Niederberger han constattau che tut las quittanzas ein avon maun e che la contabilitad vegn menada schuber e bein. Enrico engrazia a René per la buna lavur prestada e fa la tscharna. Il quen vegn aprobaus unanimamein.

## 7. Preventiv 2013/14

Lucien engrazia al cassier per sia buna lavur e surdat aunc ina gada il plaid ad el. Per la proxima stagiun ei René buca aschi optimistic. El quenta ch'ei detti forsa aunc in unviern cun pauca neiv ed en consequenza era cun paucas entradas ella Tegia Nordica. Aschia quenta el cun in defizit da frs. 850.--.

## 8. Contribuziuns

La contribuziun annuala pils commembers resta sco tochen ussa sin frs. 40.—.

Ils commembers pagan lu mo frs. 80.— pigl abo dall'entira Svizra, buca commembers frs. 120.--.

## 9. Program da lavur 2014/15

Lavurs da preparaziun	08-11-2014
Test da skis	03-01-2015
Gi da fuffergnadi cuorsa liunga	04-01-2015
Fiasta da neiv cun uniun da traffic	15-02-2015
Gis da G+S a Rona	31-01 / 01-02-2015
Cuorsa EnergiAlpina Cup a Sagogn	18-01-2015 evtl. 07-02-2015

## 10. Orientaziuns e varia

Lucien informescha davart l'idea dad ennevar la loipa (ca. 1-2 km). Muort la munconza da neiv ei quei tema puspei vegnius actuals. Avon entgins onns era quell'idea schon ina gada sin meisa, ei lu denton vegnida fiersa. El declara cuort tgei ch'ei gia vegniu sclariu davart tecnica e tgei che stuess aunc vegnir sclariu. – Tut teoretic fuss ei pusseivel da far neiv. Ils cuosts (mo per il cundrez) muntassen a frs. 16'000.-- -27'000.--. Ei dat ina viva discussiun. La finala fa Lucien ina votaziun consultativa:

-continuar cul project:	5
-plitost schar star:	7
-abstenziuns	8

La loipa da notg ei mintgamai illuminada margis e gievgia dallas 18.00 – 21.00 (evtl. ei la tegia aviarta durant quei temps).

Quels dus gis resta la tualetta publica aviarta tochen las 22.00.

Sche zatgi ha fotos per la pagina d'internet, tarmetter quellas a [lucien.stern@kns.ch](mailto:lucien.stern@kns.ch).

Enrico Arpagaus, coach G+S, engrazia als trenaders per lur engaschi e la prima lavur!  
El menziunescha, che la participaziun al gi dil SST a Flem, dumengia avon l'entschatta da scola igl uost, seigi stada buna uonn, denton alla „Fleisch-Trophy“ a Glion tuttavia buc, gnanc ina gruppa hagi dau!

Janic appellescha ch'ei drovi exnum aunc plirs trenaders. Duront l'jamna seigi numnadamein mo Patric cheu a Sagogn.

Petra fa in compliment per il Domino-Day. Quell'idea hagi anflau dapertut fetg buna accoglientscha.

Allas 21.10 siara Lucien la radunonza. El engrazia a tuts presents per lur atenziun ed envida da star aunc in mument da cumpignia.

Sagogn, 19-11-2014

L'actuara  
Amanda Beeli